

ألا تتزوج يا ربعة [] الشيخ محمد خيرى سلسلة فى قصصهم عبرة

[5]

محمد خيرى

السلام عليكم ورحمة الله وبركاته الحمد لله رب العالمين وله الحمد الحسن والثناء الجميل واشهد ان لا اله الا الله وحده لا شريك له واشهد ان محمدا عبده ورسوله. وبعد

فاسأل الله سبحانه وتعالى ان يسترنا واياكم بستره الجميل ونزين اعمالنا واعمالكم بالرضا واسأله سبحانه وتعالى ان يوفقنا واياكم ويرزقنا ما رزق هذا الجيل الفريد من الرضا والرضوان تكلمنا عن

آ ربعة وآ يعنى حديس عن هذا الفتى الموفق خادم رسول الله صلى الله عليه وسلم الشاب الصغير اللي كان دايم مشغول هيخدم دينه بايه يصحى وينام ويفكر ايه اللي ممكن اقدم به

آ واتقل به صحيفتي بكرة فبدأ يفكر ويفكر ويفكر الى ان هداه الله سبحانه وتعالى في هذا التفكير يقترب من البشير النذير صلى الله عليه وسلم وبالفعل قرب من النبي صلى الله عليه وسلم

وبدأ آ يختم النبي صلى الله عليه وسلم وليه تلت مواقف مع النبي صلى الله عليه وسلم. الموقف الاولاني واتكلمنا فيه فممكن ان ما سمعش يرجع يسمع المحاضرة ثاني الموقف الثاني بقى

الا وهو ان النبي صلى الله عليه وسلم تفقد حاله وبدأ يقول له ايه هو بيقول بعد ما قال لي اعني على نفسك بكثرة السجود وجعلت ادأب في العبادة لاحظى بمرافقة رسول الله صلى الله عليه وسلم في الجنة

كما حظيت بخدمته وصحته في الدنيا يا جماعة اللي بيلاقي آ وبيحس بالراحة في قلبه والطمأنينة في صدره بيستحيل عليه انه يسيبها فهو سبحانه الله لما وجد المتعة في مرافقة النبي صلى الله عليه وسلم في الدنيا

مش قادر يتخيل ان ممكن الاخرة دي دار ثانية ومكان ثاني وهو مش قادر يستوعب ان ده ممكن يحصل ان انا اجي يوم القيامة اكون بعيد على النبي صلى الله عليه وسلم

صعب مستحيل فيقول فجعلت ادأب. ادأب يعنى اجتهد فبدأ يجتهد في العبادة ان هو عرف ان المنازل العالية ديت محتاجة دفع فاتورة محتاج انك تدفع يا ترى انت هتدفع ايه

في بعض الناس قاعد وبعيد خالص عن الخير وبعيد خالص عن اماكن الصالحات والاعمال الصالحات وقاعد يقول لك انا ايه انا ربنا هيدخلني الجنة وربنا انت ما تعرفيش ما تعرفوش اللي في قلبي. انا قلبي ابيض

ما هو القلب الابيض ده لو انت صادق لازم يزهر على اعمالك وتكون اعمالك بيضا لكن تبقى اعمالك سودا وقلبك ابيض ازاي حتى يعنى دي مغالطة منطقية ازاي تقول لي من جوة ابيض

من برة لأ فلزام كل واحد يكون مستحضر كويس قوي ايه اللي بيزهر ده فرع عن مستحيل حد يبقى من جواه سواد وظاهر البياض واحد يبقى جواه آ السواد وهيزهر الابيض مستحيل

لان النبي قال لنا كده. الاوان في الجسد مضة اذا صلحت صلح الجسد كله واذا فسدت فسد الجسد كله بيقول لم يمضي على ذلك وقت طويل حتى ناداني رسول الله

صلى الله عليه وسلم. يا سلام عما تلاقي النبي بيناديك حاجة جميلة قوي تلاقي ان في حد مهتم بك حتى ناداني رسول الله وقال الا تتزوج يا ربعة؟ مهم قوي يا جماعة انك تهتم باحتياجات اللي قدامك الانسانية والنفسية والاجتماعية

مهم قوي انك تهتم باحتياجات زوجتك واحتياجات اولادك انك تاخذ بالك ايه احتياجاته النهاردة لو انا قلت لحضرتك وحضرتك ايه اهتماماتك او ايه احتياجاتك النفسية. هتقول لي ايه ايه احتياجاتكم النفسية

يلا قولوا لي ايه هي احتياجاتكم النفسية اللي ممكن تكون انتم فعلا حاسين ان انتم محتاجين لاحتياج النفس ده محتاجة ان في حد ياخذ باله محتاج الامان محتاج اشعر بالامان. معظم اللي هيقول الامان هتلاقهم نساء

فانا محتاج اشعر بالامان. محتاجة اشعر بالاحتواء اشعر بالحنان اشعر بايه؟ بالطمأنينة بالدعم ان في حد بيقدمني بالهدوء النفسي

يعني واحد وفي واحد واخذ باله من احتياجاتي الغير معلنة انا بنت عندي سبعة وعشرين سنة

مش هنفع اقول لكم انا عايز اتجوز بس انتم شايفينها في كل خلية في كل يعني كراتي الحمراء والبيضة كلها موجودة حتى لو انا قلت لكم لأ على فكرة الكلام ده انا مش موافقة عليه

يعني ولو تكلم اللسان كذبتة الاعضاء لان دي فطرة خليكى تستخبي واستحي واعملي اللي انت تعمليه جميل بس مش هتطفي الفطرة ديت آآ فما بالكم لو عندها سبعة وتلاتين محتاج يبقى عامل ازاي؟ طيب واحدة ارملة محتاجة ايه؟ عشان كده يا جماعة الساعي على الارملة

اللي رايح جاي عليها ده اللي هم بيفتقدوا الدعم دول سواء الارملة او المطلقة دول اه اللي بيسعى عليهم ويهتتم بهم ده داخل في مرحلة كأنه يجاهد في سبيل الله

سواء كان يسعى على ارملة او يتيم لانه مفتقد جوانب نفسية كتير وجوانب اجتماعية كتير جدا فهنا ربيعة ليه احتياجاته؟ بما ان انتم زكرتم الاحتياجات. هل الاحتياجات دي انتم مركزين؟ مركزين بالكم مع ولادكم فيها

هل انتو مركزين في احتياجات اولادكم النفسية والاجتماعية هل حضرتك واخدة بالك ان بنتك بتحتاجي انك تتكلمي معها بطريقة يعني بطريقة راقية جدا انتم شوفوا تقولوا ايه ما شاء الله فلان ده زوق يعني ايه زوق

زوداني بينتقي الفاظه شفتي انت ممكن تهتمي اوي اوي اوي. يعني في واحد ممكن تلاقيه مسلا وانت مهتم قوي وبتدعي وتقول ربنا يشفي فلان وبتاع فواحد يقول لك ايه اه ما هو ده عشان الشيخ لكن انا لما تعبت ما فيش رسالة حتى جت لي

ممكن تلاقى حد من المقربين فعلا قريبين قوي منك يقول لك كده ويبقى محق وده معناه ايه؟ انك غير مهتم غير مهتم انك تاخذ بالك من الاحتياجات دي. هنا بقى اخلاق الكبار بتزهر واخلاق الناس العالية

فموضوع النبي صلى الله عليه وسلم يقول له الا تتزوج يا ربيعة طب يا رسول الله انا جاي اخدمك وانا في عمل شريف قوي يعني انت جاي تكلمني انا يعني النبي صلى الله عليه وسلم ما كلموش انت بتراجع مع ابو بكر الصديق ولا لا

اخبارك مع مجالس ابي عبيدة ايه تخرج مع سلمة ابن اقوى على الجولات الدعوية هل بتروح مع صهيب تطلع الطلعات للجهاد والكلام ده ولا ايه الاخبار في احتياجات ضرورية مهم اوي

انك تباحس فيها انك تاخذ بالك ان اللي قدامك ده انسان اللي قدامك ده انسان وكلما اشتهر الانسان كلما فقد من حوله التعامل معه كانسان ودي مشكلة الدعاة والداعيات اللي حواليلهم بيتعاملوا معهم ان هم دعاة

فينسوا خالص ان هم بشر فعمرهم ما يتكلم معهم عن فلان الانسان. الداعي مسلا اسمه محمد او احمد ما بيتكلمش على احمد الانسان فبيتكلم بل هي دايمًا كلمت المعلمة غابت المعلمة جت المعلمة عاملة امتحان المعلمة بتقول المعلمة طب المعلمة دي انسانة

عندها بنت عاوزة تتفسح المعلمة ديت يعني عاوزاه تاخذ راحتها احتياجاتها الخاصة المهم ليهم احتياجات بتهتم انت بها فما حدش هيسأل عنك كانسان الا انسان نبيد اللي يتابعك في في بشريتك اللي تبك في احتياجاتك البشرية والانسانية تعرف ان ده انسان

نبيل

فهنا النبي صلى الله عليه وسلم يقول الا تتزوج يا ربيعة؟ فكرة التفقد دي عبادة روعة. الانبياء وصلوا بهم ان هم تفقدوا الحيوانات وتفقد الهدهد تتفقد الطير وقال ما لي لا ارى الهدهد. فالتفقد وصل للطير

سبحان الله ومش للطير ده قاعد يتفقد نوع معين هو فين سبحان الله. النهاردة في واحد ممكن ما ياخذش باله اصلا ان آآ ان اقرب الناس ليه مش موجود جنبه

تختفي عن المشهد الاخت وتتعب شوية وبتاع وتلاقي بعض الرسايل ايه وبتاع اهي طمنونا الف سلامة وخلص طب انت عرفتي ايه اللي حصل لاختك والله هتكون في ايه يعني؟ اختك دي راحت المستشفى واختك ديت اتبهذلت هناك وقعدت بالاربع تيام

والمولود كان كاد انه يحتضر ومش عارف ايه والله ما عرفت ما عرفت حاجة. ما انت هتعرفي ازاي لانك انت اخترت البعد ويجي في الاخر خالص بعض الناس يزعلوا. انت مش بتقولي لي ليه؟ هي تقول لك ليه

ده بالعكس اللي زي دول ما تقولهلمش، اللي زي دول بصوا يا جماعة التفقد دي عبودية حساسة اللي يعطيها لك ادي له كل اللي في بطنك واللي يقول لك طمني عليك اخبارك ايه؟ عملت ايه؟ انا سمعت ان انت تعبت شوية ورحت المستشفى خير اليومين دول هيبقى

مش عارف الولادة مسلا او العملية وكده قلة

اتكلم بالطريقة اللي هي العالية دي القصد العادية دي لان فيه ناس انت مش مستني منه انه يبعث لك رسالة في ناس انك مستني منه تلاقيه واقف في المستشفى وبتقول لمامتك روعي انت يا طنط

انا هكون موجودة هنا خلاص لما البنت دي تبعت رسالة ورسالة كمان الا تتبعها اعرفي على طول ان في مشكلة هنا في التفقد في حين ممكن تلاقى بقى زعيمته عبودية التفقد دي

اخر بعيدة جدا عندك وتبات مكان والدتك. وتعمل لك الاكل وهي اللي تهتم بالمولود الناس دي بقى يا جماعة اه الناس دي لو معك بماء العينين مش هتقدر تسد لهم ايه

الجمائل وهنا النبي صلى الله عليه وسلم بيدربنا ويربيننا والحاجات دي بقى هي ديت يعني جماعة اهل الاستقامة لازم يتعلموا يتعلموا المعنى ده المعنى النبيل دوت عشان كده حبي الله

الاباء اللي بيربوا ولادهم بالطريقة ديت تلاقى كده ايه انا كنت بتبسط قوي عملية طفل صغير باعت لي كده ايه ويسأل علي ليه؟ انا

مش مبسوط ان هو ببسأل قد ان انا مبسوط ان هو بيتربى

على فكرة انه يهتم وان يكون مشغول ان هو لسه صغير يرضع المسؤولية يرضع العمق ده الا تتزوج يا ربيعة فده رقي جدا فقلت ما احب ان يشغلني شيه عن خدمتك يا رسول الله

شوفوا الجمال وانتهى بقى يا جماعة اسمه الادب في الرد ربيعة كان متربى طبيعة متدرب الانسان اما يبشرب الحاجات دي وهو صغير بيكبر بقى على الرقي والادب. بيعرف يتكلم ازاي؟ يتكلم ازاي؟ لما تدخل على واحد تقول له ازاي؟ زي حضرتك انت وحشتني جدا انا مفتقدك طول الفترة اللي فاتت

دية انا كنت حريص جدا ان انا اقابل حضرتك انا كنت كنت خليه دايمًا يتعامل مع الناس بطريقة مؤدبة يعرف يتكلم يكون عنده الرقي زي اما القصة المشهورة جدا لما

الامير بيقول للطفل يعني هل رأيت اجمل من هذا الخاتم؟ شفت الخاتم دا فيه اجمل منه؟ قال له اه طبعا الاصبع الذي فيه الصابع اللي جواه ده فتلاقي ان ان الولد ده متربى يا جماعة الولد ده مؤدب. النهاردة ممكن آ

تتصل بحد السلام عليكم ورحمة الله. والله ضباة ضباة مشغول او ماما مشغولة وبتاع فتلاقي رد الولد رد جاف جدا وفي واحد تاني يسعدك انك تكمل معه وتقول له انا الحمد لله ما كلمتش باباك ولا مامتك يا ابني

ايه الجمال اللي انا بسمعه ده فتلاقي ان الولد بيتكلم بطريقة شيك جدا. البنت بتتكلم بطريقة مؤدبة اوي يعني حسن المنطق ده جماعة رقي بيضر احنا قوي على اللغة الانجليزية دلوقتي

اكون مسافر مسلا آ في المطار ولا حاجة تحس ان في ناس يعني هتضرب عيالها لو اتكلموا عربي وده بسبب النقص ده بيبقى عنده عقدة نقص معينة يمكن اتكلم فيها في يوم من الايام. دي مش شطارة ولا اي حاجة. هي دي عقدة نقص ومحتاج علاج. بس مش

في الطريق فالشاهد يعني ان تلاقي الشباب اللي زي ده انت قاعد عمال تدربه وينطق النطق ازاي يكون صح والنطق ياه! طب على الاقل على الاقل خليه يتعامل بقى مع الناس كويس يتكلم ازاي؟ المنطق بتاعه يكون ازاي؟ الادب وهو بيبص فيه في عينه يبص

ازاي؟ يمد ايده ازاي؟ سلم على الناس ازاي

عرف انك تبقى ماشي مع طلبة تدخل صلاة الجمعة مسلا الولد يدخل ازاي صلاة الجمعة؟ يدخل ازاي صلاة الفجر؟ يلقي السلام ازاي على الناس ويسلم عليهم مع الحاجات دي يا جماعة البعض بيتعامل معها ان هي مش من الاسلام حاجات اتيكيت كده لآ هو ده الصلب استأجروهن خيرا من استأجرت القوي الامين. اه الصلاة والقرآن دي امانة. القوة دي مهمة قوي. فن الاحتكاك مع الحياة وقلت ما احب

ان يشغلني شيه عن يا رسول الله. ادب

ثم انه ليس عندي ما امهر به الزوجة. يعني شف اول حاجة هو رد بالادب. تاني حاجة بدأ يدخل في الموضوع مش مسألة ان هو ايه بيقتل في الكلام لآ

ليس عندي ما امهر به الزوجة. انا مش عندي مهر. اجيب مهر منين ولا ما اقيم حياتها به فسكت صلى الله عليه وسلم سكت النبي صلى الله عليه وسلم. لكن سكوته ده يا ترى هو كان موافق على الكلام بتاع ربيعة

ولا شايف ان كلام ربيعة كلام مسكن وخلص النهاردة شوفوا كم شاب ممكن يقول لك مش لاقى مهر وانت تسكت تعالى نشوف بقى النبي صلى الله عليه وسلم سكت ولا ما سكتش

عشان في الاخر خالص انتم بتقولوا خير الهدى هدي محمد. طب مش عاوزين يبقى الهدى في حنة واحنا في حنة مش عاوزين نطبق السنة بمزاجنا اللي عاوز يطبق الصوت ده هذه السنة فليغترف منها

اه يعني انت تقصد لو حتى مش معه مهر نجوزه. صح يا شيخ؟ اه يعني انت لو عندك بنت هتجوزه كده صح والكلام ده كله انا عارف ان ده اللي بيدور في ادمغة البعض

بس مش يعني مش هجاوبك وهخلي كلام النبي صلى الله عليه وسلم هو اللي يجاوبك وفعله هو اللي يجاوبك ثم رأني سانية وقال الا تتزوج يا ربيعة فيقول فاجته بمثل ما قلت له في المرة السابقة

هقول له ايه يعني؟ هو نفس الاجابة يعني والنبي يتحقق ولا يحقق. ودي ادب من الاداب اللي بتعلمنا السنة اياها اول ما تفتش جامد في اللي قدامك تعمل معه تحقيقات

والضنن بتضغط عليه. لا قل لي. يعني ايه؟ يعني مش لاقى مهر. يعني ايه مش عارف ايه والكلام ده كله. لا. تحقق يعني مجرد ما تعرف بس دي الحقيقة من بعيد

لكن لا تحقق فيها ما تقلبهاش تحقيق بقى وواحد ماسكك في ايه في كمين وقاعد امال ايه يجيبك في كل ليه يعني؟ ما حضرتك كنت فين؟ كنت فين ليه في المسجد

خد الدرجة دي وخلص ازاي ورحت مين اللي معك انت عاوز توصل لايه يعني يقول ربيعة ما ان خلوت الى نفسي حتى ندمت على ما كان مني جميل قوي ان يكون الانسان اما بيخلو بنفسه بيراجع نفسه

وجميل قوي انك تكون مصاحب واحدة اسمها نفسي انك تكون مصاحب واحدة اسمها نفسك. صاحبها واما تصاحبها ديت يبقى بينك

وبينها انس وتتكلم معها وتحاسبها لان في بعض الناس يا جماعة عنده وحشة مع نفسه
بيكرها ما بيعرفش يقعد معها بيخاف يقعد معها. بتخنقه بيقول لك لا انا بتخنق اما بقعد مع نفسي فدايما بيحب الانس بغيره ففي
واحد يقول لك انا بحب كل شوية كده يعني اختفي كده مع نفسي كده خد لي نصاية اخد لي يوم كده في الشهر
انا احب اعرف حد من مشايخي يقول لي انا لي يوم في الشهر مش مخلوق على وجه الارض يعرف انا بروح فين اقول له بتعمل ايه؟
تقول لي ما فيش اشوف مسجد كده ارواح قافل موبايلي وداخله
وقاعد تقول لي بقى اقرأ قرآن آآ احسبها كده اشوف الشهر ده مشي ازاي الدنيا مشيت ازاي وخلص وام عيالي عارفين هو ايه كل
تلت اربع جمعات كده ما تلاقهوش

هيرواح فين هتلاقه في حنة من الحنت ديت فجميل انك تكون دايما تديك قافلة كده. القفلة ديت طبعا ما تكونش طويلة لان هو
الهدف منها تموين على بيئة انك تمون الهدف انك البنزين بتاعك داخل تمون سلام عليكم ما فيش حد بيبات في المحطة. انت بتدخل
كده تريخ تفرد ضهرك

تشرب مشروب تدخل في الجامع بتاع المحطة تصلي ركعتين تدخل الحمام يعني تحس كده انك عملت كده ايه ريستارت ترجع ثاني
للحياة من اول وجديد آآ في ناس بقى ما بتقدرش تعيش الجو ده مع نفسه
هو ما بيعرفش يقول لك لا ما تسبنيش مع نفسي انا يعني لأ عيوب مواقع التواصل انها بتغزي جدا الافة السيئة دي طب الحل ايه
خاصة مع الستات لان هم ممكن يتوهم بهم ان هم ما يعرفوش يقعدوا مع انفسهم. لا انتم عندكم اوقات كتير تقعدوا مع انفسكم
بس للاسف انتم الوقت بتاع انفسكم بتسيبوا له الموبايل فبالتالي بيتاخذ منك. لأ الوقت بتاع نفسك ده انا ليه موعده مع نفسي يعني
ايه موعده مع نفسي؟ يعني موبايلك على الطيران وفي رواية حسنة مقفول
انت بعيد عنه لكن تبقى معك يعني انت انت مش خلوت بنفسك. انت خلوت مع امة محمد خدتهم كده وقفلت على نفسك الاوضة
وخلوت بقى عاملين بقى بمواقع التواصل كلها. انت هتهزر

فما ان خلوت بنفسك حتى ندمت. يا جماعة فيه فرق بين الخلوة لاجل النفس وفي خلوة هروبا من النفس بفرق ان اللي بيخلو لاجل
نفسك في واحد بيخلو للهروب من نفسه. في فرق تخبط بينهم هم اللاتنين
يقول ما ان خلوت الى نفسي حتى ندمت على ما كان من بيقول انا اول ما الموضوع ده حصل ندمت على ما كان مني وقلت ويحك يا
ربيعة والله ان النبي

صلى الله عليه وسلم لا اعلم منك بما يصلح لك في دينك وديناك. وهنا الموضوع انتهى هنا دي الناس اللي بتفهم واللي مشغلة عقلها
على فكرة مش مجرد بس ان هو ايمانيا كويس لا لا لا ده واحد دماغي
بنفكر كده ده دماغ دماغي عالية قوي كمان راجل بيافهم بيقول ايه لان هو تربي النبي اولي بالمؤمنين من انفسهم. يعني ايه الاية دي
يا جماعة يعني النبي اولي بك من نفسك
يا اللي مش عاوزة تلبسي الحجاب افهمي الاية دي. النبي اولي بك انت من نفسك يعني لو حطينا نفسك وروحك واهتماماتك دي على
جنب خلاص مين اولي بها؟ النبي. اولي بها منك انت؟ ايوه اولي بها منك انت
ولذلك لا يأخذ الا ما يصلحها ولا يقول الا ما يرشدها فهو بيقول انا قلت لنفسي ايه اللي انت بتعمله ده طب ما هو عارفك كويس قوي
وعارف انت ايه اللي يصلحك في دينك وديناك والكلام ده كله. وهو اعرف منك بما عندك. هو عارف كويس جدا. انت عندك ايه؟ ما
انت ربيعة قدامه يعني خالص. ربيعة رحت ربيعة جيت. ما هو

وفهمك فراح قايل لنفسه ايه؟ والله لان دعاني رسول الله بعد هذه المرة الى زواج لاجبته هتجاوبه تقول له ايه؟ ما انت جاوبت
خلاص. هو عاوز يقول بقى ايه ها مين يقول؟ عاوز يقول ايه؟ هو بيقول انا لو قال لي ثاني لاجيبته. انا هجاوبه بقى. طب ما انت
جاوبته في الاولى والثانية. هو يقصد ايه بالاجابة هنا

هسمع كلامه طيب ما هو سمع كلامه وهو بيقول له هو بيقول له الا تتزوج؟ قال له اه هجيب مين ومعني ايه وبتاع والكلام ده كله.
طب ايه بقى يقصد ان انا هجاوبه؟ هجاوبه ايه
هجاوبه يعني هقول له اه انا ومن جوايا عاوز اتجوز هو ده بقى هو النبي بيقول له ايه؟ هو النبي صلى الله عليه وسلم ما بيقولوش
ايه ان ما الذي يمنعك ان لا تتزوج؟ هو بيقول له ايه؟ الا تتزوج يا ربيعة؟ هو السؤال بيقول له كده انت مش محتاج تتجوز؟ ده كان
السؤال

كان اجابة ربيعة غلط صح يعني ربيعة كان بيجاوب اجابة على سؤال ثاني هو النبي صلى الله عليه وسلم بيقول له ايه؟ بيقول له
انت مش محتاج تتجوز؟ قال له انا ما بحبش بقى انشغل عنك وبعدين مش معي مهر وبعدين
انت جاوبت على الجيابة دلوقتي ما جاوبتش صح ومع ذلك ما ضغط عليه النبي صلى الله عليه وسلم في بعض الناس كده يروح
قافلك وبيقول لك انت بتحور جاوب على السؤال
عارفهم الناس دي طبعا لكن سبحان الله هنا النبي صلى الله عليه وسلم سكت وسأله ثاني ففي الثانية النبي صلى الله عليه وسلم خير

مربي يجعله يحسبها بينه وبين نفسه. ويدربها بدماغه ثاني وتالت. ويحاول يمشيها كده
خليه هسأله ثاني وانا عارف ان هو ايه لوحده هيدرربها كده ويلخبطها في نفسه هو حضرتك كنت سألتني كده من يومين عن حاجة
كده هو سببه انا هخليه يقولها لوحده
في بعض الناس بتبقى مستعجل عاوز ياخذ النتيجة كلها دلوقتي يعني انت ما جاوبتنيش عمال قلت لك الا تتزوج صح؟ اه والله لو
عندك تسعين سنة هسألك ثاني كينهم العيشة اللي المعادي دي ويقول لك برضو خير الهدى هدي مهمة
يقول والله ان النبي لا اعلم منك فان ان دعاني بعد هذه المرة الى الزواج لاجيبه. انا هجاوبه بيقول لم يمضي على ذلك طويل وقت
حتى قال لي النبي الا تتزوج رببعة؟ قلت بلى. يا رسول الله
اه حسيت ان هو كان مستني يعني يعني مستني اقرب فرض يا رسول الله آآ او عاوز حاجة يعني وبتاع ولو عاوز تسألني تحس ان
هو كان عاوز يقول للنبي صلى الله عليه وسلم اسألني
فقال له النبي الا تتزوج يا رببعة؟ قلت بلى يا رسول الله وعندهم رقي عالي جدا مش عشان مع نفسه بقى طب آآ طب ما تزوجي كده
تخبط على الباب حاول تبعت رسالة حاول مش عارف ايه طب ما تقول له كده انت كنت سألتني امبارح على
سؤال امبارح لا خلاص بقى مؤدبين في بعض الناس كده يقابلني في الشارع بقى له مسلا خمس ست شهور مش قابلني او ما بالنية
انت فين حضرتك انا كنت عاوز اسألك سؤال آآ آآ هو هو صحيح يا شيخ عبدالواحد لما يجي يشرب اللبن يقول بسم الله ولا فيه دعاء
ثاني
يعني انت بقالك خمس شهور بتدور عليا عشان تسألني اما اجي اشرب اللبن اقول بسم الله ولا بقول حاجة ثانية انت يعني انت يا
ابني فاضي ولا عاوز تفضيني فهو احيانا كده ايه تحس ان ايه ان هو واحد عاوز يعطل اللي قدام اه والله انت فين وبتاع وكنت عاوز
اسألك على زكاة الفطر زكاة الفطر احنا في عيد الاضحى
ما اصل من زمان بقى وبتاع وقلت يا عم الشيخ يعني انت معلق حياتك علي افرض ان انا كنت مت. ما انا اؤجر بالنية بقى فاحيانا
تلاقي ان في ناس كده انا فاكر في يوم من الايام كنت مع حد من مشايخي
واخ قال له شيخ والشيخ حويني وبتاع من زمان كنت عاوز نفسي اشوف حضرتك وكان في سؤال مهم قوي وكان نفسي اسأل
حضرتك عليه الشيخ قال له افضل. قال له الواحد لما يجيب جون يا شيخ وهو لابس الشورت يجوز ان هو يسجد شكر لله
فالشيخ ابتسم له كده وراح آآ يعني عرق اذنه وراح سايبه وماشي فانا حسيت ان ايه ان الاخ انبسط جدا وخلص ونسي
سؤال والدينا مشيت والدينا واحنا كلنا مشينا يعني وخلص. فانا حسيت ان الاخ هو كان عاوز اللقطة دي ما كانش عاوز الايه
هو اي سؤال في اي حاجة انا حسيت ان هو اسأل فيه اسأل فيه. فلقى ولد في الشارع سجد. سأل الشيخ على السجدة دي فهو
سبحان الله مهم قوي انك تفهم اللي قدامك عاوز يعمل يقول ايه
زي بالزبط كده ايه يا رسول الله انا لي مسألة وبتاع قالو ايه الحقنا ابا هريرة طيب تعال اما اقف تعال وانا يا ابو هريرة فلأن ابو
هريرة كان بيسأله انا جعان عاوز اكل
فراح سأل النبي صلى الله عليه وسلم يا رسول الله وسؤال قال له تعال معي بس وخلص فبيقول فعرف النبي الجوع في وجهي لانك
لازم تبقى عارف اللي قدامك هو بيحاول يهزر معك وبتاع والكلام ده كله
قال الا تتزوج يا رببعة؟ قلت بلى يا رسول الله ولكن من يزوجني وانا كما تعلم انا ابيض يا رسول الله مين هيتجوزني فسبحان الله!
برضه النبي صلى الله عليه وسلم هيكمل هنا معه
ومش هيسيبه وهيعمل ايه في الزواج؟ وهل هيشاركة بعد كده في موضوع الوليمة والمهر والكلام ده؟ خلونا نكمل القصة ديت
ونشوف زواج رببعة هيفعل على ايه نسأل الله سبحانه وتعالى يوصفني واياكم حسن العمل
وحسن الخلق وحسن الختام